



Broj: 02-11-2027/23-AP-11

Datum: 17.11.2023. godine

Na osnovu člana 25. i 70. i 72 stav 3. c) Zakona o javnim nabavkama („Službeni glasnik BiH“, broj: 39/14 i 59/22), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/22 i 6/23) i člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Asfaltiranje ceste Šabin Potok-Ilići-Trnići“, Gradonačelnik Zavidovića, donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-2027/23-AP-6 od 01.11.2023. godine iz razloga što izabrani ponuđač GTPD „POROBIĆ“ d.o.o.ZAVIDOVIĆI nije prihvatio ugovor o javnoj nabavci radova „Asfaltiranje ceste Šabin Potok-Ilići-Trnići“.

Član 2.

Prihvata se preporuka Komisije za javne nabavke, te se Ugovor o javnoj nabavci radova „Asfaltiranje ceste Šabin Potok-Ilići-Trnići“, dodjeljuje drugorangiranom ponuđaču „HAJDIĆ“ d.o.o. MAGLAJ, koji je dostavio ponudu broj: 42/23 od 18.10.2023. godine u postupku dodjele ugovora o javnoj nabavci radova „Asfaltiranje ceste Šabin Potok-Ilići-Trnići“, u kojoj je nakon e-aukcije ponuđena ukupna cijena od 80.100,00 KM bez uračunatog PDV-a.

Član 3.

Izabrani ponuđač ima obavezu dostavljanja dokumentacije propisane Tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

Obrazloženje

Odlukom Gradonačelnika broj 02-11-2027/23-AP-2 od 25.09.2023. godine pokrenut je postupak dodjele ugovora za javnu nabavku radova „Asfaltiranje ceste Šabin Potok-Ilići-Trnići“, putem otvorenog postupka za koji je dana, 26.09.2023.godine upućeno Obavještenje broj 1374-1-3-174-3-147/23 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 18.10.2023. godine do 12,00 sati dostavljeno je 5 (pet) ponuda, i to ponude sljedećih ponuđača po prijemu prispjeća: 1 „HAJDIĆ“ d.o.o. MAGLAJ; 2. „KOMGRAD –ZE“ d.o.o ZENICA; 3. „GEO-PUT“ d.o.o. MAGLAJ; 4. „MGV GRADNJA“ d.o.o. ZAVIDOVIĆI; 5. GTPD „POROBIĆ“ d.o.o.ZAVIDOVIĆI

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da je pristiglo ukupno 5 (pet) ponuda, da su blagovremeno zaprimljene i da nije bilo ponuda koje su odbačene kao neuredne u skladu sa članom 68. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 23.10.2023. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda nakon e-aukcije broj: 02-11-2027/23-AP-9 od 24.10.2023. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	GTPD „POROBIĆ“ d.o.o. ZAVIDOVIĆI	69.019,50 KM
2.	„HAJDIĆ“ d.o.o. MAGLAJ	80.100,00 KM
3.	„KOMGRAD –ZE“ d.o.o ZENICA	82.770,00 KM
4.	„GEO-PUT“ d.o.o. MAGLAJ	84.105,00 KM
5.	„MGV GRADNJA“ d.o.o. ZAVIDOVIĆI	85.173,00 KM

Ugovorni organ je dana, 01.11.2023. godine donio Odluku broj 02-11-2027/22-AP-6 kojom je prihvaćena kao najpovoljnija ponuda ponuđača GTPD „POROBIĆ“ d.o.o. ZAVIDOVIĆI Izabrani ponuđač GTPD „POROBIĆ“ d.o.o. ZAVIDOVIĆI, dostavio je Izjavu broj:15-11-01/23 od 15.11.2023. godine koja je zaprimljena 16.11.2023. godine, u kojoj navodi da odustaje od radova, odnosno da zbog obimnosti posla ne može prihvatiti ugovor za javnu nabavku radova „Asfaltiranje ceste Šabin Potok-Ilići-Trnići“, godina.

Uvidom u Dopunu zapisnika o pregledu i ocjeni ponuda nakon završene e-aukcije, broj: 02-11-2027/23-AP-9 od 24.10.2023. godine utvrđeno je da je ponuđač „HAJDIĆ“ d.o.o. MAGLAJ, drugorangirani na rang listi i sljedeći na rang listi prihvatljivih ponuda čija cijena ponude iznosi 80.100,00 KM bez uračunatog PDV-a.

Shodno članu 72. stav 3. tačka c) Zakona o javnim nabavkama, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača kada ponuđač u pisanom obliku odbije potpisati ugovor, te je ugovor dodijeljen drugorangiranom ponuđaču „HAJDIĆ“ d.o.o. MAGLAJ.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

GRADONAČELNIK

doc.dr. Hašim Mujanović

Obradio/la:

(Sanela Muhahasanović)

Kontrolisao:

(Midhat Bajramović)